



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

§. I. Proponitur status difficultatis, & sententia negativa præfertur,

[urn:nbn:de:hbz:466:1-77232](#)

is: conceptus vero naturae, saltem explicitus, non est communis, & transcendentalis, sed prius ac specialis; unde sicut ratio entis creati, quamvis per se primò concipiatur in homine; quia tamen est transcendentia, & communis omni creatura, humanam naturam non constituit: ita nec ratio entis, seu substantiae immaterialis, constituit naturam divinam, quia similiter se habet per modum transcendentis increati, & est communis omnibus perfectionibus & formalitatibus divinis.

ARTICVLVS III.

An detur in Deo potentia intellectiva, virtualiter ab intellectione distincta?

§. I.

Proponitur status difficultatis, & sententia negativa praefertur.

61. **S**uppono primò ex Tractatu de Trinitate: Intellectum divinum, ut est in Patre, & ut modicatum per relationem paternitatis, habere rationem potentiae generativa filii, seu principij quo generationis Verbi divini.

Suppono secundò ex dicendis in Tractatu de scientia Dei: Intellectum Dei practicum, ut motum & applicatum à voluntate divina, habere in Deo rationem potentiae executiva, & producere res ad extra per actum imperij, formaliter immanentem, & virtualiter transeuntem, ut ibidem ostendemus: unde solùm difficultas est, an ratio potentiae salvetur in intellectu divino, per ordinem ad intellectu operationem essentiale.

Suppono tertio: Non esse questionem de potentia realiter productiva actu intelligendi, & realiter, vel ex natura rei ab illo distincta (hac enim involuit imperfectionem, & repugnat actu purissimo) sed de potentia ab actu virtualiter solūm distincta, id est, distinctione rationis habente fundamentum in Deo, & non solūm in nostro modo concipiendi res divinas per analogias ad res creatas. His præmissis,

62. Dico: Non dari in Deo potentiam intellectivam, respectu divinae intellectiōis essentialis, ab ea virtualiter distinctam. Est contra Corneio infra quæst. 14. Aravium 12. Metaph. quæst. 1. art. 2. & quodam alios recentiores Thomistas.

Probatur primò ex D. Thoma 1. contra Gentes cap. 45. ratione 4. ubi negat in Deo potentiam intelligendi, & solūm concedit actum. Item 2. libro cap. 10. & in hac parte quæst. 25. art. 1. ad 3. & 41. art. 3. ad 4. in ordine ad actus essentialis intelligendi & volendi, docet dari potentiam in Deo secundūm modum significandi tantum: id est secundūm nostrum modum concipiendi res divinas, per analogiam ad res creatas: Ergo ex D. Thoma, non debet admitti in Deo potentia intellectiva, virtualiter ab intellectione essentiali distincta, id est distinctione rationis cum fundamento in re.

63. Probatur secundò ratione: Intellectio essentialis in Deo, non distinguitur virtualiter ab ejus intellectu: Ergo non potest admitti in Deo potentia intellectiva, virtualiter ab intellectione essentiali distincta, seu virtuale principium intellectiōis essentialis. Consequens pater, Antecedens probatur ex fundamentis suprà statutis, agentes de constitutivo divinae naturae: nam (ut

A ibidem exposuimus) ea solūm distinguntur virtualiter in Deo, que equivalent pluribus rationibus, aut perfectionibus, distinctis in creaturis ex genere suo, & ad diversas lineas pertinentibus, id est diversa objecta formalia respondentibus: At intellectus & intellectio, in rebus creatis non distinguntur ex genere suo, nec ad diversas lineas pertinent; cum idem objectum formale respiciant, sed tantum differunt ex limitatione & potentialitate creature, quæ non est tantæ perfectionis & puritatis, ut possit sibi realiter identificare suam ultimam actualitatem: Ergo intellectus & intellectio essentialis, non distinguntur in Deo virtualiter.

B Probatur tertio: Non est fundamentum in Deo, ut illius intellectus potentialis concipiatur: Sed principium proximum virtuale intellectio, ut potentiale concipiatur: Ergo non est fundamentum in Deo, ut illius intellectus concipiatur, ut principium virtuale proximum intellectio, Major patet, Minor probatur. Principium virtuale proximum intellectio, concipiatur ut determinabile per intellectu operationem, & per illam perfectibile, tanquam per actualitatem: Sed determinabile per actum, & per illam perfectibile, potentiale est, vel ut potentiale intelligitur: Ergo principium virtuale proximum intellectio, ut potentiale concipiatur.

C Dices, Intellectum divinum non concipi ut potentiale & imperfectum, quia licet concipiatur sine expressione ultimæ actualitatis, implicitè tamen illam includit, sicut divina essentia, sine attributorum expressione intellecta, non concipiatur ut potentialis & imperfecta, eò quod illa implicitè contineat, sicut ens suas proprietates.

Sed contra: Principium virtuale non continens actu implicitè actualalem operationem, est implicitè potentiale: Ergo non continens actu explicitè actualalem operationem, erit saltem explicitè potentiale, & consequenter imperfectum quoad explicitum.

Præterea, expressio ultimæ actualitatis propriæ linea, deberet cuilibet perfectioni divinae; ac proinde concepta sine illius expressione, ut potentialis intelligitur: Sed actualis intellectio est ultima actualitas in genere & linea intelligibili, attributa verò non pertinent ad lineam essentiae & naturæ: Ergo quamvis divina essentia, sine attributorum expressione intellecta, absque ulla potentialitate concipiatur, intellectus tamen divinus potentialis concipiatur, quando intelligitur sine expressione actualis intellectio. Minor patet, Major autem, in qua solūm est difficultas, sic potest suaderi. Perfectiones divinae, cum sint actus purissimi, sunt à nobis constituenda modo imaginabili purissimo, & perfectissimo: Sed perfectior ac purior concipiatur divina perfectio, quando intelligitur, ut exprimens ultimam suæ linea actualitatem, quam dum intelligitur, ut eam solūm implicitè continens: Ergo qualibet perfectio in Deo, expressione ultimæ actualitatis propriæ linea, constituenda est.

Confirmatur: Intellectus divinus debet concipi tam actualis, ut nulla creatura illo actualior sit conceptibilis: Sed nisi concipiatur, ut exprimens actualem intellectu operationem, aliqua creatura, illo actualior concipiatur: Ergo petit concipi à nobis ut metaphysicè constitutus expressione actualis intellectio. Major constat, Minor probatur. Actualis intellectio creata, actualior intelligitur in linea intelligibili, omni non exprimere actu-

lem intellectuonem: Ergo nisi intellectus divinus concipiatur constitutus expressione intellectuonis actualis, erit conceptibilis perfectio aliqua creatura, actualior intellectu divino.

66. Denique suadetur conclusio: Ut intellectus divinus haberet rationem potentie, ex parte rei concepta, & non solum ex modo nostro significandi, & concipiendi res divinas per similitudinem & analogiam ad creatas, deberet esse fundatum in Deo, ut illius intellectus conciperetur per modum principij, & causae influentis in divinam intellectuonem: Sed non est tale fundatum in Deo: Ergo &c. Major constat, de ratione enim potentie intellectiva, est influere per modum principij & causae in actuali intellectuonem. Minor autem probatur. In Deo non est fundamentum ut illius intellectuonis aliqua imperfectione a nobis tribuatur: Sed concipi intellectum divinum, ut causam intellectuonis, & hanc ut ab illo causatam, est concipi ut imperfectam, dependere enim & causari, maxima imperfectione est: Ergo in Deo non est fundamentum ut illius intellectus concipiatur a nobis, ut intellectuonis causa, & ejus intellectio, ut ab intellectu causata.

Confirmatur: Non minor imperfectione est intellectuonem divinam esse ratione nostrâ causatam ab intellectu, quam ratione nostrâ cum illo componere: Sed in Deo non est fundamentum, ut ratione nostrâ Dei intellectio cum intellectu componat: alias Deus esset capax compositionis metaphysicae, que actui paro repugnat, ut ostendemus infra, quando agemus de simplicitate Dei: Ergo non est fundamentum in Deo concipiendi ejus intellectum, per modum principij & causae influentis in divinam intellectuonem.

§. II.

Solvuntur objectiones.

67. Objicies primò: Quæ differunt definitione, distinguuntur virtualiter in Deo: Sed natura intellectiva, intellectus, & intellectio in Deo, definitione differunt; natura enim definitur principium radicale intelligendi & operandi; intellectus, facultas proxima ad intelligentum; & intellectio, ultima actualitas linea intellectuali: Ergo illa distinguuntur in Deo virtualiter, ac proinde in ipso admittenda est potentia intellectiva, virtualiter ab intellectuonis essentiali distincta.

68. Respondeo primò, negando absolute Majorem, nam essentia & natura definitione differunt, cum illa per ordinem ad esse, hac autem per ordinem ad operationem definitur, & tamen virtualiter non distinguuntur in Deo, alias (ut supra arguebamus) primum Dei attributum, esset conceptus naturæ.

Respondeo secundo, distinguendo Majorem: quæ differunt definitione adæquatâ, concedo: inadæquatâ, nego. Similiter distinguo Minorem: in Deo natura intellectiva, intellectus, & intellectio differunt; definitione adæquatâ, nego: inadæquatâ, concedo.

69. Explicatur: Naturâ intellectiva, intellectus, intellectio, species, & objectum, cum ad eandem lineam intellectualem pertineant, identificantur in Deo sine ulla distinctione, etiam virtuali; & distinguuntur solum penes diversa mutua inadæquata quæ praestant, & per analogiam ad creature, in quibus hæc, ratione limitatio-

A nis & potentialitatis creature, realiter distinguuntur: Unde si natura divina, adæquatâ & ut est in se, ac prout à divino intellectu concipiatur, definiretur, cum illa sit ætus purissimum & infinitus, in tali definitione, deberet ingredi formaliter ipsum intelligere actualissimum, aliaeque formalitates ad lineam intellectualem spectantes: Sed quia à nobis natura divina, inadæquatè definitur, sicut inadæquatè & imperfectè cognoscitur, ideo in ejus definitione tantum exprimitur munus radicum, & causæ virtualis, quod gerit essentia divina respectu attributorum, non autem ratio intellectus, vel intellectuonis, aut speciei; quamvis hæc omnia spectent ad eandem lineam, & divinam naturam constituant.

B Objicies secundò: Potentia intellectiva, virtualiter ab actuali intellectuonie distincta, nullam dicit imperfectionem: Ergo est in Deo admittenda. Consequentia patet, Antecedens autem ostenditur primò. Eo ipso quod principium intellectuonis, sit cum illa identificatum omni identitate reali, est infinita perfectionis, & suprema actualitatis: hæc eni non possunt realiter identificari, nisi in ente infinito, & actu purissimo: Ergo potentia intellectiva, virtualiter tantum ab actuali intellectuonie distincta, nullam dicit imperfectionem.

C Confirmatur: Potentia intellectiva virtualiter tantum ab actuali intellectuonie distincta, non caret actuali intellectuonie, nisi tantum quoad explicitum, cum inclusione implicita illius: Sed carentia actualitatis tantum quoad explicitum, cum inclusione implicita illius, imperfectionem potentialitatis non dicit: Ergo potentia intellectiva virtualiter ab actuali intellectuonie distincta, nullam dicit imperfectionem.

Secundò probatur idem Antecedens principale: Principium virtuale voluntis essentialis, seu natura intellectuialis qua sit radicaliter tantum volitiva, admittitur in Deo sine ulla imperfectione: Ergo pariter principium virtuale proximum aut radicale intellectuonis essentialis, nullam in Deo imperfectionem importat.

E Respondet negando Antecedens: ad cuius primam probationem, nego etiam Antecedens: ut enim supra ostendimus, de ratione actu purissimi & infiniti est, ut omnes formalitates ad eandem lineam spectantes, identificantur sine distinctione etiam virtuali: unde cum natura intelligens, vis proximè intellectiva, & actualis intellectio, ad eandem lineam intellectualem pertineant; ponere in Deo potentiam intellectivam, virtualiter ab ejus natura, & actuali intellectuonie distinctam, aliquam dicit imperfectionem, actu purissimo repugnantem. Ex quo patet responsio ad confirmationem, Minor enim neganda est, quia (ut supra ostendimus) expressio ultima actualitatem propriæ lineæ, debetur cuilibet perfectioni divinae: alioquin, ut ibidem arguebamus, daretur aliqua creatura, que in suo conceptu, majorem actualitatem exprimeret, quam divina perfectio.

Ad secundam probationem principalis Antecedentis, patet etiam responsio: concessio enim Antecedente, consequentia & paritas neganda est. Ratio disparitatis est, quia voluntio, cum sit inclinatio consequens ad naturam intellectualem, eamque veluti modificans, & trahens ad aliam lineam, virtualiter distinguuntur in Deo à natura, secundus autem principium virtuale proximum aut radicale intellectuonis; cum hæc sint

70.

71.

72.